

“La funzion di media tles mendranzes”

L “Di dla Cultura Ladina” dl’altra edema a Bulsan metarà l uedl sun i media (foliec, radi, televijions, internet, ez.) y sia funzion per l’informazion generala y chela partìcolara dla mendranza linguistich-culturala



L assessor Florian Mussner invia ann per ann a chest Di.

Manifestazion - “I media tol ite for na maioura importanza tla vita da vigni di, per na grupa de mendranza à i media n valour y na funzion zentrala”, scriv l Assessorat dla scola y cultura ladina tl invit ofizial. Ai 22 d’otober, l Di dla Cultura Ladina, jiran plu sot te chest argument de gran atualité con l sosten de esperc de inom. Interessés de dutes les grupe de lingaz vegn invies tl palaz Widmann a Bulsan.

L “Di dla Cultura Ladina” ai 22 d’otober 2010 se darà donca jù cun mendranzes, media y lingac. L diretour dla Radio y Televisiun Rumantscha Mariano Tschuor y l vizediretour de RAI 3 Ennio Chiodi,

doi esperc de inom, darà pro l Di dla Cultura Ladina impuls sun les gran tematices di media tles mendranzes. “L’importanza di media diventa for maioura y si influ é diventé pert costanta te nosta comunanza”, dij Alexander Prinoth, diretour dla repartizion per la Cultura Ladina, responsabl dl’organisazion. Ai 22 d’otober gnirà chesta problematica plu lergia proieteda sun la situazion de mendranza. Do i doi referac gniral tegnù na discusion con l assessor Florian Mussner, l diretour dla RAI

de Bulsan Carlo Corazzola, la redadoura dla revista “Gana” Ingrid Runggaldier y l diretour de La Usc di Ladins Iaco Rigo. “I media à enca na funzion importante tla cura dl lingaz, perchel à la cualité dl lingaz ti media n gran valour”, sorisseia l assessor ladin Florian Mussner.

L program dl 22 d’otober tl palaz Widmann a Bulsan met man da les 9 dantmesdi con na introduzion dl president dla Jonta dla Provincia Luis Durnwalder y l assessor ladin Florian Mussner. (dal Ofize stampa dla Provincia)

LA USC DI LADINS

22.10.10 | 09.00 | Palaz Widmann Balsan |
Palais Widmann Bozen | Palazzo Widmann Bolzano

»INVIT« »EINLADUNG« »INVITO«

„DÉ DLA CULTURA LADINA“ „Tag der ladinischen Kultur“ „Giornata della Cultura Ladina“

L invit al dantmesdi a Bulsan.